



Na sesión celebrada na data que se indica, adoptouse o seguinte

ACORDO:

Na cidade de Ourense, a vinte e catro de novembro de dous mil catro

Visto o expediente de clasificación do monte como veciñal en man común coa denominación de *Montes de Rodeiro*, por solicitude dos veciños de Albeiros, do Concello de Amoeiro (Ourense).

Resultando que con data 18 de febreiro de 2003 tivo entrada, no rexistro da Delegación provincial da Consellería de Medio Ambiente en Ourense, escrito dirixido ao Xurado Provincial de Montes Veciñais en Man Común asinado polos veciños do lugar de Albeiros, Concello de Amoeiro (Ourense), solicitando se declare o monte *Montes do Rodeiro* como veciñal en man común.

Resultando que o Xurado Provincial en sesión celebrada en data 21 de maio de 2003, acordou tomar en consideración o citado escrito e iniciar o expediente de clasificación do monte designando instructores do mesmo a Belén Bris Marino e Miriam Areal López, que aceptaron tal cargo na mesma sesión. Remítíronse comunicacións dirixidas aos veciños do lugar de Albeiros, ao presidente da Deputación Provincial de Ourense, ao alcalde do Concello de Amoeiro, á Delegación Provincial da Consellería de Política Territorial, Obras Públicas e Vivenda, á Xerencia Territorial do Catastro, ao Servizo de Montes e Industrias Forestais (Consellería de Medio Ambiente),





á Delegación Provincial da Consellería de Política Agroalimentaria e Desenvolvemento Rural, e ao Rexistro da Propiedade número dous de Ourense.

Publicáronse edictos no *Diario Oficial de Galicia* e no taboleiro de anuncios do Concello de Amoeiro, durante o prazo dun mes segundo consta en dilixencia estendida ó dorso do edicto polo secretario do citado concello, para que durante o prazo sinalado en edictos os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente, se practicou no Rexistro da Propiedade número dous de Ourense , como segue:

Veciños do lugar de Albeiros, parroquia de Trasalba, no Tomo 1.600, Libro 55, do Concello de Amoeiro, Folio 90, leira rexistral número 10.617, anotación A.

Resultando que da inspección do monte no terreo no linde leste no que constan as estremas como propiedades particulares detéctase que en realidade a estrema é un muro que divide o monte co termo municipal de Ourense.

Resultando que na tramitación do expediente cumpríronse tódalas formalidades legais.





Considerando que o Xurado Provincial de Montes Veciñais en Man Común, ten xurisdicción e competencia para coñecer los expedientes de clasificación dos montes que teñan tal carácter a teor do establecido no artigo 9 da citada Lei.

Considerando que o tipo de comunidade xermánica que institúe a Lei de montes veciñais en man común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable;
e
- 5) Que a comunidade é indivisible, non podendo os comuneiros pedi-la "*actio communi dividundo*".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños do lugar de Albeiros, no Concello de Amoeiro.





Os datos do citado monte son os que se referencian na parte dispositiva deste acordo.

Considerando que das informacións recollidas resulta que os veciños do lugar de Albeiros, están conformes coa clasificación do citado monte como veciñal en man común.

Considerando que a teor do disposto na Lei de montes veciñais en man común, o expediente de clasificación se iniciou por acordo do xurado, por instancia dos veciños de Albeiros, para que este xurado puidese acordar a iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro, así como o establecido na Lei de réxime xurídico das administracións públicas e do procedemento administrativo común, do 26 de novembro de 1992.

Visto o Decreto 106/2004, do 27 de maio, polo que se establece a estrutura orgánica da Consellería de Medio Ambiente.

O Xurado Provincial de Montes Veciñais en Man Común, á vista dos antecedentes e fundamentos expostos e por unanimidade dos seus membros:





ACORDA:

Primeiro. - Clasificar o monte coa denominación de *Montes de Rodeiro*, de 25 ha 22 a, aproximadamente en conxunto de superficie a favor dos veciños do lugar de Albeiros, no Concello de Amoeiro (Ourense) , e cos datos que a seguir se relacionan, coma veciñal en man común, en réxime de comunidade xermánica.

Os datos do citado monte son:

Concello: Amoeiro (Ourense)

Denominación do monte Montes do Rodeiro

Comunidade propietaria: veciños do lugar de Albeiros, parroquia de Trasalba

Superficie: 25 ha 22 a, aproximadamente.

Estremas.

Norte. Canteiras Trasalba, propiedades particulares de: José Muñoz Novoa, Carmen Fernández Rincón, Asunción Fernández

Sur: Comunal de Outeiro, propiedades particulares de: Santiago González, Cándido Álvarez Fernández, José Ramón Pereira Conde

Leste: muro que divide o monte co termo municipal de Ourense


Oeste: propiedades particulares de: Susana Reboreda, Herminia Rodríguez, Demetrio Muñoz Novoa





Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifíquese esta resolución ó alcalde-presidente do Concello de Amoeiro, ós representantes da comunidade veciñal, ó Servicio de Montes e Industrias Forestais (Consellería de Medio Ambiente), ós que se lles fará saber que esta resolución, que pon fin á vía administrativa, pode ser obxecto de recurso de reposición potestativo perante o Xurado Provincial de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administracións públicas e do procedemento administrativo común e artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.)



The image shows several handwritten signatures and an official stamp. The stamp is circular and contains the text "PROVINCIAL DE MONTES VECIÑAIS EN MAN COMÚN DE OURENSE". There are three distinct signatures above the stamp and two larger, more elaborate signatures below it.

ESCALA 1:10.000

